

辱國至於此極。敝省軍民同仇。切齒義憤。填膺榮廷不佞。願挈舊部。共誅獨夫。以完四年擁護民國之苦心。還我五族共和之盛軌。幸示方略。藉資指揮。廣西都督陸榮廷。咸印。

雲南賀廣西獨立電

急督署陸都督並轉陳譚莫諸公鑒。幹公兩咸電。諸公咸電。並奉悉義。檄風傳歡聲。雷動循迴。贊歎莫知所言。自滇黔長驅。湘蜀袁氏已覺技窮。今得諸公振臂一呼。實足使豪傑嚮風。旌旗變色。如天之福。民國重賴之言。念前途以忻。以頌。繼堯先驅。負弩愧在。盧前枕戈。飲泣隸隨。馬後所冀。揚鞭慷慨。削除獨夫。專制之淫威。相期會轉澄清。還我五族共和之盛軌。謹先馳賀。并致懽衷。唐繼堯叩銑印。

唐紹儀忠告袁逆退位電

北京袁慰亭先生鑒。白宮。睽隔。瞬已連年。憶從癸丑。電請執事。解職。既蒙嚴譴。卽蟄居滬上。對於政事。從未妄發一言。妄建一議。坐是亦久。缺筴。候甚罪。甚罪。執事數年來。所有不衷於約法之行政。世人注視。方嚴。固有公論。微言執事。亦自知之。自帝制

發生以至滇黔事起舉國騷然不可終日儀雖雅不欲言而國事重大亦萬難漠視近閱報悉撤消承認帝制之令而仍居總統之職在執事之意以爲自是可敷衍了事第在天下人視之咸以爲廉恥道喪爲自來中外歷史所無試就眞理窺測今舉國果有一篤信執事復能眞踐前誓而實心擁護共和者乎今茲之變致吾同胞日尋干戈自相殘殺儀亦深信執事目前所握兵力財力之充足亦暫勝於起義之滇黔桂數省但力服不能心服古有明訓此次義舉斷非武力所可解決爲執事勅敵者蓋在舉國之人心人心一去萬牛莫挽茲陳唯一良策則祇有請執事以毅力自退誠以約法上自有規定相當繼承之人亦正無俟張皇也抑更有請執事深加注意於前事之可危者庚子之攻使館壬子之掠商場是也儀秉性狂戇素荷恕原愚昧所及故敢呈最後之忠告採納幸甚紹儀叩宥

十七省國會議員致全國官民之通電

萬急各省將軍巡按使各都統護軍使鎮守使各師旅團營長商會教育會及各團體各報館公鑒天禍吾華元首叛逆九有同仇一致伐罪獨夫勢蹙妄冀轉圜勉將